

## Ein kaoksel joeks

Teks: Wiel Hermans Venlo  
Mezièk : Quinn Warmerdam Venlo

### Vers:

Ôs recèpke van plezeer det kint haos neet verkièrd  
Wae det duit op ôs meneer dae haet det gauw gelièrd  
is 't veurke aangestaok dan reurt zich idderein  
want weej zien oètgekaok lekker maelig ônderein

### Refrein:

Zôn kaoksel joeks op zienen tiéd laot ik mich smake  
Dan is alles kook en ei  
Zoë wie ik d'r weer ein pötje van gaon make  
Dan vind ik links en rechts um mienen dreij  
Zôn kaoksel joeks met vastelaovend guüf d'n doorslaag  
De waore leefde geit toch door de maag  
Laot ôs pikke dich en ik die zeutste krinte oèt de mik  
Want det smak kiër op kiër en daag veur daag nao miër

### Vers:

Einmaol good op smaak gebrach dan löp 't wie gesmaerd  
Wae d'r good gebakke zit dae lach zich van de gaert  
Snoètesoep met dieke mik en good gekruüd met kwats  
As lekker toetje nao gaon weej same op de jats

### Vers:

Met ein bäömpke in 't liéf gaon weej d'r taegenaan  
Al die vastelaovesdaag dao kump ôs nemus aan  
't kump lankzaam aan de kaok en geit zoé dreej daag door  
En wae det neet bevelt dae bik dan maar oét de moor

### slot:

Want det smak kiër op kiër, daag veur daag nao miër  
Want det smak kiër op kiër en daag veur daag nao miër